

## ■ PRO SVIZRA RUMANTSCHA

# Realisà nov med d'instrucziun

(anr/gc) La Pro Svizra Rumantscha (PSR) ha realisà in nov med d'instrucziun per scolarAs na rumantschAs dal stgalim superiur. Quel sa numna «Allegra – Eine Begegnung». El vegn preschentà ils 20 da settember a Flem en il rom da la sessiun dal parlament federal.

Cun quel med vulan ins era mussar la situaziun speziala da la Quarta Lingua, sensibilisar per las minoritads ed uschia anc contribuir al mantegniment da la Svizra quadrilingua.

Il tema «rumantsch» vegn integrà en las lecziuns – e quai a moda attractiva.

Quest med d'instrucziun cumpara en furma da dc ed è vegni edì en collavuraziun cun l'enconuschenta chasa editura Klett. Cun «Allegra rumantsch» ha la PSR realisà in impurtant project che sa chatta entiramain sin la lingia da ses engaschi per lingua e cultura rumantscha.